

ÁKVÖRDUN EVRÓPUÞINGSINS OG RÁÐSINS (ESB) 2015/1814

2030/EES/49/29

frá 6. október 2015

um að koma á fót og starfrækja markaðsstöðugleikavarsjóð fyrir kerfi Sambandsins fyrir viðskipti með heimildir til losunar gróðurhúsalofttegunda og um breytingu á tilskipun 2003/87/EB (*)

EVROPUÞINGIÐ OG RÁÐ EVRÓPUSAMBANDSINS HAFAR,

með hliðsjón af sáttmálanum um starfshætti Evrópusambandsins, einkum 1. mgr. 192. gr.,

með hliðsjón af tillögu framkvæmdastjórnarinnar,

eftir að hafa lagt drög að lagagerð fyrir þjóðþingin,

með hliðsjón af álitum efnahags- og félagsmálanefndar Evrópusambandsins ⁽¹⁾,

að höfðu samráði við svæðanefndina,

í samræmi við almenna lagasetningarmeðferð ⁽²⁾,

og að teknu tilliti til eftirfarandi:

- 1) Með tilskipun Evrópuþingsins og ráðsins 2003/87/EB ⁽³⁾ er komið á fót kerfi fyrir viðskipti með heimildir til losunar gróðurhúsalofttegunda innan Sambandsins (viðskiptakerfi ESB fyrir losunarheimildir) til að stuðla að því að dregið verði úr losun þeirra á kostnaðarhagkvæman og efnahagslega skilvirkan hátt.
- 2) Samkvæmt niðurstöðum leiðtoga ráðsins frá 23. og 24. október 2014 um stefnuramma fyrir loftslag og orku fram til ársins 2030 verður vel starfhæft, endurskoðað viðskiptakerfi ESB fyrir losunarheimildir, með gerningi til að koma á stöðugleika á markaði, helsti evrópski gerningurinn til að uppfylla markmið Sambandsins um skerðingu á losun gróðurhúsalofttegunda.
- 3) Í 5. mgr. 10. gr. tilskipunar 2003/87/EB er kveðið á um að ár hvert eigi framkvæmdastjórnin að leggja skýrslu fyrir Evrópuþingið og ráðið um starfsemi evrópska kolefnismarkaðarins.
- 4) Í skýrslunni frá framkvæmdastjórninni til Evrópuþingsins og ráðsins um stöðu evrópska kolefnismarkaðarins árið 2012 kom fram þörf á ráðstöfunum til að takast á við skipulagslegt ójafnvægi milli framboðs og eftirspurnar. Áhrifamatið á stefnuramma fyrir loftslag og orku fram til ársins 2030 bendir til að búið sé við áframhaldandi ójafnvægi og að ekki sé unnt að bregðast við því á fullnægjandi hátt með því að laga línulega ferlið að strangara markmiði innan fyrrgreinds

(*) Þessi ESB-gerð birtist í Stjútíð. ESB L 264, 9.10.2015, bls. 1. Hennar var getið í ákvörðun sameiginlegu EES-nefndarinnar nr. 165/2018 frá 6. júlí 2018 um breytingu á XX. viðauka (Umhverfismál) við EES-samninginn (bíður birtingar).

⁽¹⁾ Stjútíð. ESB C 424, 26.11.2014, bls. 46.

⁽²⁾ Afstaða Evrópuþingsins frá 8. júlí 2015 (hefur enn ekki verið birt í Stjórnartíðindunum) og ákvörðun ráðsins frá 18. september 2015.

⁽³⁾ Tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB (Stjútíð. ESB L 275, 25.10.2003, bls. 32).

ramma. Breyting á línulega þættinum breytir aðeins smám saman heildarfjölda losunarheimilda í Sambandinu (þak viðskiptakerfis ESB fyrir losunarheimildir). Til samræmis við það myndi einnig aðeins draga úr umframfjöldanum smám saman þannig að markaðurinn yrði að halda áfram starfrækslu í meira en áratug með umframfjölda losunarheimilda, sem nemur u.þ.b. 2 milljörðum eða meira, og þar með koma í veg fyrir að viðskiptakerfi ESB fyrir losunarheimildir sendi nauðsynlega fjárfestingarvísibendingu um að minnka koltvísyringslosun á kostnaðarhagkvæman hátt og sé drifkraftur nýsköpunar sem byggir á lítilli koltvísyringslosun sem stuðlar að hagvexti og atvinnu.

- 5) Í því skyni að takast á við þennan vanda og auka þol viðskiptakerfis ESB fyrir losunarheimildir að því er varðar ójafnvægi milli framboðs og eftirspurnar þannig að viðskiptakerfi ESB fyrir losunarheimildir sé gert kleift að starfa á skipulegum markaði ætti að koma á fót markaðsstöðugleikavarsjóði (hér á eftir nefndur varasjóður) árið 2018 og ætti að vera unnt að starfrækja hann frá og með árinu 2019. Varasjóðurinn eykur einnig samvirkni með öðrum loftslags- og orkustefnum. Í því skyni að viðhalda eins miklum fyrirsjáanleika og hægt er ætti að setja skýrar reglur um færslu losunarheimilda í varasjóðinn og úttekt þeirra úr honum. Varasjóðurinn ætti að virka þannig að hann stuðli að breytingum á árlegum fjölda losunarheimilda á uppboði. Ef skilyrðin eru uppfyllt ætti að draga fjölda losunarheimilda, sem samsvarar 12% af fjölda losunarheimilda í umferð, eins og sett er fram í nýjustu birtingu framkvæmdastjórnarinnar á heildarfjölda losunarheimilda í umferð, frá fjölda losunarheimilda á uppboði og færa hann í varasjóðinn á hverju ári frá og með 2019. Á sérhverju tilteknu ári ætti að taka samsvarandi fjölda losunarheimilda út úr varasjóðnum til handa aðildarríkjum í sömu hlutföllum og sömu röð og gert var þegar þær voru færðar inn í varasjóðinn og ætti að bæta þeim við þann fjölda losunarheimilda sem fara á uppboð ef viðkomandi heildarfjöldi losunarheimilda í umferð er undir 400 milljónum.
- 6) Í þessu skyni ættu framkvæmdastjórnin og aðildarríkin, án ótilhlýðilegrar tafar eftir birtingu framkvæmdastjórnarinnar á heildarfjölda losunarheimilda í umferð fyrir 15. maí á tilteknu ári, að tryggja að uppboðsalmanök sameiginlega uppboðsvettvangsins og, eftir atvikum, séruppboðsvettvanganna séu leiðrétt með tilliti til losunarheimilda sem færðar eru í varasjóðinn eða sem taka á út úr honum. Dreifa ætti leiðréttingu á fjölda losunarheimilda sem skal bjóða á uppboði á 12 ára tímabil í kjölfar breytingar á viðkomandi uppboðsalmanaki. Með tilliti til nauðsynjar þess að uppboðsferlið gangi snurðulaust fyrir sig ætti, ef nauðsyn krefur, að setja fram frekari upplýsingar um leiðréttunguna í reglugerð framkvæmdastjórnarinnar (ESB) nr. 1031/2010 ⁽¹⁾.
- 7) Enn fremur, til viðbótar við stofnun varasjóðsins, ætti að gera nokkrar afleiddar breytingar á tilskipun 2003/87/EB í því skyni að tryggja samræmi og snurðulausa starfrækslu viðskiptakerfis ESB fyrir losunarheimildir. Einkum getur framkvæmd tilskipunar 2003/87/EB leitt til mikils fjölda losunarheimilda á uppboði í lok hvers viðskiptatímabils sem gæti grafið undan markaðsstöðugleika. Til samræmis við það, í því skyni að koma í veg fyrir ójafnvægi á markaði að því er varðar framboð á losunarheimildum í lok eins viðskiptatímabils og við upphaf þess næsta með hugsanlega skaðlegum áhrifum á markaðinn, ætti að kveða á um uppboð á hluta af mikilli aukningu á framboði í lok viðskiptatímabils á fyrstu tveimur árum næsta tímabils. Í því skyni að auka enn frekar stöðugleika evrópska kolefnismarkaðarins og til að koma í veg fyrir óeðlilega aukningu á framboði í lok viðskiptatímabilsins sem hófst árið 2013 ætti að færa losunarheimildir, sem ekki er úthlutað til stöðva skv. 7. mgr. 10. gr. a í tilskipun 2003/87/EB, og losunarheimildir, sem ekki er úthlutað til stöðva vegna beitingar á 19. og 20. mgr. 10. gr. a í þeirri tilskipun (hér á eftir nefndar óúthlutaðar losunarheimildir), í varasjóðinn árið 2020. Framkvæmdastjórnin ætti að endurskoða tilskipun 2003/87/EB í tengslum við þessar óúthlutaðu losunarheimildir og, ef við á, leggja fram tillögu fyrir Evrópuþingið og ráðið um valkosti varðandi frekari aðgerðir.
- 8) Fyrirhuguð endurinnkoma 300 milljóna losunarheimilda 2019 og 600 milljóna losunarheimilda 2020, eins og ákvarðað er í reglugerð framkvæmdastjórnarinnar (ESB) nr. 176/2014 ⁽²⁾, græfi undan markmiði með varasjóðnum um að takast á við skipulagslegt ójafnvægi milli framboðs og eftirspurnar. Til samræmis við það ætti ekki að bjóða þessar 900 milljónir losunarheimilda upp 2019 og 2020 heldur ætti að færa þær í varasjóðinn.
- 9) Mikilvægt er að viðskiptakerfi ESB fyrir losunarheimildir hvetji til aukinnar kolefnisnýtni og að samkeppnishæfni iðnaðargreina í Sambandinu sem stafar raunveruleg hætta af kolefnisleka sé varin. Í fyrrgreindum niðurstöðum leiðtogaáðsins um stefnuramma fyrir loftslag og orku fram til ársins 2030 fólst skýr leiðsögn um áframhaldandi úthlutun án endurgjalds ásamt ákvæðum um kolefnisleka eftir 2020. Framkvæmdastjórnin ætti á grundvelli þessarar stefnumótandi leiðsagnar að endurskoða tilskipun 2003/87/EB, einkum 10. gr. a í henni, og leggja fram tillögu um endurskoðun þeirrar tilskipunar innan sex mánaða frá samþykkt þessarar ákvörðunar. Til að vinna að markmiðinu um jöfn samkeppnis skilyrði ætti endurskoðunin einnig að taka mið af samræmdum ráðstöfunum til að bæta upp fyrir óbeinan kostnað á vettvangi Sambandsins. Í endurskoðuninni ætti einnig að taka mið af því hvort veita ætti allt að 50 milljónum óúthlutaðra

(1) Reglugerð framkvæmdastjórnarinnar (ESB) nr. 1031/2010 frá 12. nóvember 2010 um tímasetningu, stjórnun og aðra þætti í tengslum við uppboð á heimildum til losunar gróðurhúsalofttegunda samkvæmt tilskipun Evrópuþingsins og ráðsins 2003/87/EB um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins (Stjút. ESB L 302, 18.11.2010, bls. 1).

(2) Reglugerð framkvæmdastjórnarinnar (ESB) nr. 176/2014 frá 25. febrúar 2014 um breytingu á reglugerð (ESB) nr. 1031/2010, einkum í því skyni að ákvarða fjölda heimilda til losunar gróðurhúsalofttegunda sem verða boðnar upp 2013-20 (Stjút. ESB L 56 26.2.2014, bls. 11).

losunarheimilda til fyrirbyggjandi tilfanga í því skyni að stuðla að verkefnum, sem um getur í 8. mgr. 10. gr. a í þeirri tilskipun, ásamt verkefnum í tengslum við atvinnunýjungar með lítilli koltvísýringslosun, til viðbótar við verkefni í öllum aðildarríkjum, þ.m.t. minni háttar verkefni, fyrir 2021.

- 10) Framkvæmdastjórnin ætti að fylgjast með starfsemi varasjóðsins í tengslum við árlega skýrslu um kolefnismarkaðinn. Í skýrslunni ætti að taka tillit til viðkomandi áhrifa á samkeppnishæfni, einkum í iðnaðargeiranum, m.a. í tengslum við vísa fyrir verga landsframléiðslu, atvinnu og fjárfestingar. Að auki ætti framkvæmdastjórnin, innan þriggja ára frá því að byrjað var að nota varasjóðinn og reglulega eftir það, að endurskoða starfsemi varasjóðsins í ljósi fenginnar reynslu af notkun hans. Við endurskoðun á starfsemi varasjóðsins ætti einkum að taka til athugunar hvort reglurnar um að færa losunarheimildir í varasjóðinn og taka þær þaðan út séu viðeigandi með tilliti til markmiðsins um að takast á við skipulagslegt ójafnvægi milli framboðs og eftirspurnar. Endurskoðunin ætti að fela í sér greiningu á markaðsjafnvægi, þ.m.t. allir viðkomandi þættir sem hafa áhrif á framboð og eftirspurn, og á hentugleika fyrirframskilgreinds sviðs sem hefur í för með sér leiðréttingu árlegs fjölda losunarheimilda sem fara á uppboð, ásamt hlutfallinu sem gildir um heildarfjölda losunarheimilda í umferð. Ef greiningin gefur til kynna að sviðið sé ekki lengur hentugt í ljósi breytinga á markaðspróun og nýrra upplýsinga, sem liggja fyrir þegar endurskoðunin fer fram, ætti framkvæmdastjórnin að bregðast skjótt við með því að leggja fram tillögu til að takast á við slíkar aðstæður. Við endurskoðunina ætti einnig að athuga áhrif varasjóðsins á vöxt, atvinnu, samkeppnishæfni iðnaðar í Sambandinu og á hættu á kolefnisleka. Endurskoðunin á starfsemi varasjóðsins ætti að vera hlutlæg og taka mið af þörfinni á að viðhalda stöðugleika við reglusetningu og tryggja fyrirsjáanleika til lengri tíma að því er varðar umskipti yfir í hagkerfi sem einkennist af lítilli koltvísýringslosun.
- 11) Þar eð aðildarríkin geta ekki fyllilega náð markmiðum þessarar ákvörðunar, þ.e. að koma á fót markaðsstöðugleikavarasjóði og gera hann starfhæfan í Sambandinu, og þeim verður betur náð á vettvangi Sambandsins, vegna umfangs þeirra og áhrifa, er Sambandinu heimilt að samþykka ráðstafanir í samræmi við nálægðarregluna eins og kveðið er á um í 5. gr. sáttmálans um Evrópusambandið. Í samræmi við meðalhófsregluna, eins og hún er sett fram í þeirri grein, er ekki gengið lengra en nauðsyn krefur í þessari ákvörðun til að ná þessum markmiðum.
- 12) Því ætti að breyta tilskipun 2003/87/EB til samræmis við það.

SAMÞYKKT ÁKVÖRDUN ÞESSA:

1. gr.

Markaðsstöðugleikavarasjóður

1. Koma skal á fót markaðsstöðugleikavarasjóði árið 2018 og skal vera unnt að færa losunarheimildir í varasjóðinn frá og með 1. janúar 2019.
2. Þeim 900 milljónum losunarheimilda sem eru dregnar frá þeim fjölda sem á að fara á uppboð á tímabilinu 2014–2016, eins og ákvarðað er í reglugerð (ESB) nr. 176/2014 skv. 4. mgr. 10. gr. tilskipunar 2003/87/EB, skal ekki bætt við fjöldann sem verður boðinn upp 2019 og 2020 heldur skal hann færður í varasjóðinn.
3. Losunarheimildir, sem er ekki úthlutað til stöðva skv. 7. mgr. 10. gr. a í tilskipun 2003/87/EB, og losunarheimildir, sem er ekki úthlutað til stöðva vegna beitingar 19. og 20. mgr. 10. gr. a í þeirri tilskipun, skulu færðar í varasjóðinn 2020. Framkvæmdastjórnin skal endurskoða tilskipun 2003/87/EB í tengslum við þessar óúthlutuðu losunarheimildir og, ef við á, leggja fram tillögu fyrir Evrópuþingið og ráðið.
4. Framkvæmdastjórnin skal birta heildarfjölda losunarheimilda í umferð ár hvert fyrir 15. maí á síðara ári. Heildarfjöldi losunarheimilda í umferð á tilteknu ári skal vera samanlagður fjöldi losunarheimilda sem er gefinn út á tímabilinu frá 1. janúar 2008, þ.m.t. fjöldinn sem er gefinn út skv. 2. mgr. 13. gr. tilskipunar 2003/87/EB á því tímabili og réttindi til að nota alþjóðlegar inneignir sem stöðvar sem falla undir viðskiptakerfi ESB fyrir losunarheimildir nýttu að því er varðar losun fram til 31. desember á því tiltekna ári, að frádregnum samanlögðum tonnum af sannprófaðri losun frá stöðvum sem falla undir viðskiptakerfi ESB fyrir losunarheimildir frá 1. janúar 2008 til 31. desember á þessu sama tiltekna ári, losunarheimildum sem eru gerðar ógildar í samræmi við 4. mgr. 12. gr. tilskipunar 2003/87/EB og fjölda losunarheimilda í varasjóðnum. Ekki skal taka með í reikninginn losun á þriggja ára tímabilinu, sem hófst árið 2005 og lauk 2007, eða losunarheimildir sem eru gefnar út í tengslum við þá losun. Fyrsta birtingin skal fara fram eigi síðar en 15. maí 2017.

5. Á hverju ári skal draga fjölda losunarheimilda sem nemur 12% af heildarfjölda losunarheimilda í umferð, eins og sett er fram í síðustu birtingu sem um getur í 4. mgr. þessarar greinar, frá þeim fjölda losunarheimilda sem aðildarríkin skulu bjóða upp skv. 2. mgr. 10. gr. tilskipunar 2003/87/EB og skal hann færður í varasjóðinn á 12 mánaða tímabili, sem hefst 1. september það ár, nema fjöldi þeirra losunarheimilda sem færa skal í varasjóðinn yrði undir 100 milljónum. Á fyrsta árinu sem varasjóðurinn er notaður skal einnig færa 8% af heildarfjölda losunarheimilda í umferð, eins og sett er fram í síðustu birtingu, í varasjóðinn á tímabilinu milli 1. janúar og 1. september viðkomandi árs (sem samsvarar 1% fyrir hvern almanaksmánuð).

Með fyrirvara um heildarfjölda losunarheimilda sem skal dreginn frá samkvæmt þessari málsgrein fram til 31. desember 2025 skal ekki taka losunarheimildir, sem um getur í b-lið fyrstu undirgreinar 2. mgr. 10. gr. tilskipunar 2003/87/EB, með í reikninginn þegar hlutdeild aðildarríkjanna í heildarfjöldanum er ákvörðuð.

6. Ef heildarfjöldi losunarheimilda í umferð er á einhverju ári undir 400 milljónum skal taka 100 milljón losunarheimildir út úr varasjóðnum og bæta þeim við þann fjölda losunarheimilda sem aðildarríkin skulu bjóða upp skv. 2. mgr. 10. gr. tilskipunar 2003/87/EB. Ef færri en 100 milljón losunarheimildir eru í varasjóðnum skal taka allar losunarheimildirnar út úr varasjóðnum samkvæmt þessari málsgrein.

7. Ef 6. mgr. þessarar greinar gildir ekki, á einhverju ári, og ráðstafanir eru samþykktar skv. 29. gr. a í tilskipun 2003/87/EB skal taka 100 milljón losunarheimildir út úr varasjóðnum og bæta þeim við þann fjölda losunarheimilda sem aðildarríkin skulu bjóða upp skv. 2. mgr. 10. gr. tilskipunar 2003/87/EB. Ef færri en 100 milljón losunarheimildir eru í varasjóðnum skal taka allar losunarheimildirnar út úr varasjóðnum samkvæmt þessari málsgrein.

8. Ef gripið er til aðgerða, í kjölfar birtingar á heildarfjölda losunarheimilda í umferð, skv. 5., 6. eða 7. mgr., skulu uppboðsalmanökin taka mið af þeim losunarheimildum sem færðar eru í varasjóðinn eða sem taka á út úr honum. Losunarheimildirnar skulu færðar í varasjóðinn eða teknar út úr honum á 12 mánaða tímabili. Þegar losunarheimildir eru teknar út úr varasjóði skv. 6. eða 7. mgr., óháð því á hvaða tímabili úttektin á sér stað, skal það samsvara hlutdeild aðildarríkjanna á þeim tíma sem losunarheimildirnar voru færðar í varasjóðinn og einnig vera í sömu röð og losunarheimildirnar voru færðar í varasjóðinn.

2. gr.

Breytingar á tilskipun 2003/87/EB

Tilskipun 2003/87/EB er breytt sem hér segir:

1) Ákvæðum 10. gr. er breytt sem hér segir:

a) Í stað 1. mgr. komi eftirfarandi:

„1. Frá og með árinu 2019 skulu aðildarríkin bjóða upp allar losunarheimildir sem ekki er úthlutað án endurgjalds í samræmi við 10. gr. a og 10. gr. c og eru ekki færðar í markaðsstöðugleikavarasjóðinn sem komið er á fót með ákvörðun Evrópuþingsins og ráðsins (ESB) 2015/1814 (*).“

(*) Ákvörðun Evrópuþingsins og ráðsins (ESB) 2015/1814 frá 6. október 2015 um að koma á fót og starfrækja markaðsstöðugleikavarasjóð fyrir kerfi Sambandsins fyrir viðskipti með heimildir til losunar gróðurhúsalofttegunda og um breytingu á tilskipun 2003/87/EB (Stjúd. ESB L 264, 9.10.2015, bls. 1).

b) Eftirfarandi málsgrein bætist við eftir 1. mgr.:

„1a. Ef fjöldi þeirra losunarheimilda sem aðildarríkin skulu bjóða upp á síðasta ári hvers tímabils, sem um getur í 1. mgr. 13. gr. þessarar tilskipunar, fer meira en 30% yfir meðalfjölda losunarheimilda, sem búist er við að fari á uppboð á fyrstu tveimur árum næsta tímabils fyrir beitingu 5. mgr. 1. gr. ákvörðunar (ESB) 2015/1814, skal draga tvo þriðju af mismuninum milli fjölda losunarheimilda frá þeim fjölda sem boðinn er upp á síðasta ári tímabilsins og bæta í jöfnum hlutum við þann fjölda losunarheimilda sem aðildarríkin skulu bjóða upp á fyrstu tveimur árum næsta tímabils.“

2) Í stað annarrar undirgreinar 2. mgr. 13. gr. komi eftirfarandi:

„Aðildarríkin skulu gefa út losunarheimildir til aðila fyrir yfirstandandi tímabil sem komi í stað losunarheimilda í handhöfn þeirra sem hafa verið gerðar ógildar í samræmi við fyrstu undirgrein. Að sama skapi skal losunarheimildum í markaðsstöðugleikavarasjóðnum sem eru ekki lengur gildar skipt út fyrir losunarheimildir sem eru gildar fyrir yfirstandandi tímabil.“

3. gr.

Endurskoðun

Framkvæmdastjórnin skal fylgjast með starfsemi varasjóðsins í tengslum við skýrsluna sem kveðið er á um í 5. mgr. 10. gr. tilskipunar 2003/87/EB. Í skýrslunni ætti að taka tillit til viðkomandi áhrifa á samkeppnishæfni, einkum í iðnaðargeiranum, m.a. í tengslum við vísa fyrir verga landsframleiðslu, atvinnu og fjárfestingar. Innan þriggja ára frá því að starfsemi varasjóðsins hefst og á fimm ára fresti eftir það skal framkvæmdastjórnin, á grundvelli greiningar á eðlilegri starfsemi evrópska kolefnismarkaðsins, endurskoða varasjóðinn og leggja fram tillögu, eftir því sem við á, fyrir Evrópuþingið og ráðið. Í hverri endurskoðun skal leggja sérstaka áherslu á hundradshlutatöluna, sem er notuð til að fastsetja þann fjölda losunarheimilda sem skal færa í varasjóðinn skv. 5. mgr. 1. gr. þessarar ákvörðunar, ásamt tölugildi viðmiðunarmarka fyrir heildarfjölda losunarheimilda í umferð og fjölda losunarheimilda sem taka skal út úr varasjóðnum skv. 6. eða 7. mgr. 1. gr. þessarar ákvörðunar. Við endurskoðunina skal framkvæmdastjórnin einnig athuga áhrif varasjóðsins á vöxt, atvinnu, samkeppnishæfni iðnaðar í Sambandinu og á hættu á kolefnisleka.

4. gr.

Umbreytingarákvæði

Ákvæði 1. mgr. 10. gr. tilskipunar 2003/87/EB, eins og henni var breytt með tilskipun Evrópuþingsins og ráðsins 2009/29/EB⁽¹⁾, skulu gilda áfram til 31. desember 2018.

5. gr.

Gildistaka

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Strassborg 6. október 2015.

Fyrir hönd Evrópuþingsins,

M. SCHULZ

forseti.

Fyrir hönd ráðsins,

N. SCHMIT

forseti.

⁽¹⁾ Tilskipun Evrópuþingsins og ráðsins 2009/29/EB frá 23. apríl 2009 um breytingu á tilskipun 2003/87/EB til að bæta og víkka út kerfi Bandalagsins fyrir viðskipti með heimildir til losunar gróðurhúsalofttegunda (Stjtíð. ESB L 140, 5.6.2009, bls. 63).